

Perangkap Samar

Oleh Wan Noorli Razali



Benarkah kita merdeka
Sedangkan penjajahan baru bermula
Saat laungan di ruang terbuka
Namun tiada diangkat senjata
Hanya perangkap samar ditinggalkan mereka
Memastikan derita tanpa rasa
Sambil dipasang mata-mata
Memastikan kita terus leka
Dibuai akan dunia

Didikan ini tiada bersatu
Mahkamah dunia manipulasi baru
Disiapkan aturan yang sarat
Pasaknya beracuan barat
Diagungkan kebijaksanaan diri
Diciptakan ribuan ideologi
Untuk dimusnahkan hati
Tuhan tiada dikenali
Realiti digantikan ilusi

Merdekakanlah diri
Dari cengkaman musuh abadi
Kerana masa seketika cuma
Esok belum tentu masih ada